
Қўшалок байрам

Ёзёвон тумани тиббиёт бирлашмасида меҳнат қилаётган 1451 нафар ишчи-хизматчиларнинг асосини хотин-қизлар ташкил қилади. Эл-юрт саломатлигини сақлаш йўлида хизмат қилаётган, қалби пок, оқ халатли онахонлар, опа-сингиллар учун „Ўктамобод“ мажмуасида байрам тадбири ташкилланди. Тиббиёт бирлашмаси маъмурияти, қасаба уюшма қўмитаси томонидан Халқаро хотин-қизлар байрами жамоада меҳнат қилувчи беш нафар ходим учун қўшалок бўлди. Чунки байрам кунида ана шу оила фарзандлари учун хатна тўйлари ҳам ўтказилди. Тадбирда иштирок этган туман ҳокимлиги, тиббиёт бирлашмаси раҳбарияти, кенг жамоатчилик вакиллари қўли енгил шифокор опа-сингиларимизни баҳор байрами билан самимий табрикладилар. Байрамда тўйболаларга, эл саломатлиги йўлида ҳормай-толмай меҳнат қилаётган 50 нафар шифокор опа-сингилларга қимматбаҳо совғалар топширилди. Шифокорлар байрам тадбирида таниқли хонанда Абдужалил Қўқонов, сўз устаси Абдурахмон Сиддиқов, „Ёзёвон наволари“ халқ дастаси бадиий ҳаваскорлари даврани қизитдилар. Туманимиздаги қишлоқ ва маҳаллаларда, меҳнат жамоаларида, ўқув юртларида байрам тадбирлари давом этмоқда. Ёзёвон тумани ҳокимлиги ахборот хизмати.

2023-03-06 18:16:16